



---

**OPĆINA TEŠANJ U PARTNERSTVU SA RAZVOJNIM PROGRAMOM  
UJEDINJENIH NACIJA RASPISUJE:  
JAVNI POZIV ORGANIZACIJAMA CIVILNOG DRUŠTVA/NEVLADINIM  
ORGANIZACIJAMA  
ZA PREDAJU PRIJEDLOGA PROJEKATA  
U SKLOPU PROJEKTA REGIONALNI PROGRAM LOKALNE DEMOKRATIJE NA  
ZAPADNOM BALKANU (ReLOaD)**

ReLOaD je regionalni projekat kojeg finansira **Europska unija (EU)**, a implementira **Razvojni program Ujedinjenih nacija (UNDP)** u šest zemalja/teritorija Zapadnog Balkana i to: Albanija, Republika Sjeverna Makedonija, Bosna i Hercegovina, Crna Gora, Kosovo\*<sup>1</sup> i Srbija.

Općina Tešanj i projekat ReLOaD pozivaju sve organizacije civilnog društva (OCD)/nevladine organizacije (NVO) iz Bosne i Hercegovine da dostave prijedloge projekata koji su u skladu sa razvojnim ciljevima općine Tešanj koji su navedeni u dokumentu Strategija razvoja općine Tešanj 2018.-2022., iz sljedećih prioritetnih oblasti:

**1) Zaštita okoliša**

1.1. Zaštita životne sredine i podizanje svijesti kroz edukaciju

**2) Ruralni razvoj**

- 2.1. Podizanje potencijala ruralnih sredina za razvoj poduzetništva (turizam, poljoprivreda, voćarstvo)
- 2.2. Razvoj sadržaja za podizanje kvaliteta uvjeta života u ruralnim sredinama
- 2.3. Jačanje uloge i aktivizma mladih u ruralnim sredinama
- 2.4. Podrška domaćoj radinosti i promocija proizvoda iz ruralnih sredina

**3) Razvoj sporta**

- 3.1. Unaprijeđenje sportskih sadržaja za djecu, mlade i ostale građane općine za besplatan pristup rekreativnim sadržajima

**4) Razvoj kulture**

- 4.1. Promocija nematerijalne kulturne baštine i umjetničkog stvaralaštva na području općine Tešanj
- 4.2. Promocija i razvoj programa koji za cilj imaju veću podršku u oblasti razvoja kulture, te značajnije uključivanje aktera značajnih za razvoj ovih oblasti

---

<sup>1</sup>\*Ova oznaka ne dovodi u pitanje stavove o statusu i u skladu je sa Rezolucijom UNSCR 1244/1999 i Mišljenjem Međunarodnog suda pravde o kosovskoj Deklaraciji o nezavisnosti.

## 5) Podrška mladim i volonterizmu

5.1. Rad sa mladima u zajednici, promocija volonterizma i podrška marginaliziranim grupama stanovništva

Iznosi sredstava za odobrene projekte će biti od 10.000 KM do 70.000 KM. Jedna organizacija civilnog društva može podnijeti više projektnih prijedloga s tim da je maksimalan novčani iznos sredstava koja mogu biti dodijeljena za implementaciju projekata jednoj organizaciji civilnog društva tokom ukupnog trajanja ReLOaD projekta (tri godine) 120.000 KM.

Općina Tešanj i UNDP zadržavaju pravo da ne dodijele sva raspoloživa finansijska sredstva u slučaju da projektni prijedlozi ne zadovoljavaju zadane kriterije.

Dužina trajanja svakog projekta može biti od pet (5) do devet (9) mjeseci. Izabrani projekti se trebaju realizovati u periodu juli 2019. – mart 2020. godine.

### PRAVO UČEŠĆA:

Učešće u ovom javnom pozivu je otvoreno, na jednakim osnovama, za sve formalno registrovane OCD i NVO (udruženje/udruga ili fondacija), u skladu sa važećim zakonskim propisima u Bosni i Hercegovini.

Sve zainteresovane organizacije civilnog društva detaljne informacije o uslovima za apliciranje i kriterijima za finansiranje projekata mogu pronaći u Smjernicama za aplikante u okviru javnog poziva.

### PREUZIMANJE DOKUMENTACIJE:

Sve potrebne informacije i elektronska verzija cijelog paketa prijavne dokumentacije može se naći na web stranici: [www.ba.undp.org](http://www.ba.undp.org), kao i na web stranici Općine Tešanj [www.opcina-tesanj.ba](http://www.opcina-tesanj.ba)

Dokumentacija za prijavu na javni poziv za Općinu Tešanj također se može preuzeti od **19. aprila do 30. maja 2019. godine**, slanjem zahtjeva sa nazivom zainteresovane organizacije na e-mail: [registry.ba@undp.org](mailto:registry.ba@undp.org); [reload@opcina-tesanj.ba](mailto:reload@opcina-tesanj.ba) ili lično preuzimanjem u Općini Tešanj, šalter sala, šalter broj 5 i 6, Trg Alije Izetbegovića 1, 74260 Tešanj, Bosna i Hercegovina.

### INFORMATIVNE SESIJE:

- Za zainteresovane predstavnike OCD planiran je **trodnevni Trening upravljanja projektnim ciklusom (PCM)** sa početkom **23. aprila 2019. godine** u 10,00 sati u sali Općinskog vijeća Tešanj. Za učešće na treningu neophodno je izvršiti prijavu putem email na [nedzad.unkic@opcina-tesanj.ba](mailto:nedzad.unkic@opcina-tesanj.ba) najkasnije do 22. aprila 2019. godine do 12,00 sati.
- Informativni sastanak sa zainteresovanim organizacijama „**Otvoreni dan**“ će biti održan **08. maja 2019. godine od 10,00 do 12,00 sati u sali Općinskog vijeća Tešanj**. Potencijalni aplikanti će tokom sastanka biti detaljnije upoznati sa pozivom, načinom prijavljivanja, kriterijima, itd.
- Predstavnicima OCD će biti pružena dodatna pomoć konsultanta Mentora prvi sastanak sa mentorom planiran je za **08. maja 2019. godine od 12,00 do 16,00 sati u sali Općinskog vijeća Tešanj**. Dodatni sastanci koje organizuje mentor sa OCD/NVO će se takođe održavati javno, a raspored će, uključujući datum i vrijeme, biti objavljen putem općinske web stranice. U svrhu transparentnosti zapisnici sa održanih sastanaka sa mentorom će biti objavljeni na stranici Općine Tešanj. Na ovaj način će se omogućiti da informacije budu dostupne za OCD/NVO koje nisu bile u mogućnosti da prisustvuju sastancima sa mentorom.

- Pitanja u vezi sa javnim pozivom se mogu postaviti putem e-mail adrese [registry.ba@undp.org](mailto:registry.ba@undp.org) sa naznakom za ReLOaD projekat. Pitanja se mogu postavljati do **27. maja 2019. godine**. Odgovori na upite će biti dostavljeni u pisanoj formi unutar tri radna dana od primanja upita.

- Osim toga, dostupan je i dokument Informacije o čestim greškama kao i često postavljana pitanja. Oba dokumenta su rezultat ranije objavljenog poziva u općini Tešanj i odnose se na nove podnosiocima zahtjeva kako bi se izbjegli isti ili slični propusti tokom ovog poziva.

#### **PREDAJA APLIKACIJA:**

Ispunjena aplikacija (sa kompletnom zahtjevanom dokumentacijom) se mora dostaviti **u tri (3) primjerka u štampanoj formi i jednoj elektronskoj kopiji (CD ili USB)** u zatvorenoj koverti preporučenom poštom ili lično tokom radnih dana (ponedjeljak – petak), u periodu od 08,00 do 16,00 sati na sljedeću adresu, sa naznakom za ReLOaD projekat:

Općina Tešanj  
Trg Alije Izetbegovića 1  
Šalter sala, šalter 5 i 6  
74260 Tešanj  
Bosna i Hercegovina

Rok za predaju aplikacija je **30. maj 2019. godine, do 16,00 sati**. Aplikacije dostavljene nakon navedenog roka će biti razmatrane jedino u slučaju da poštanski žig ukazuje na datum slanja prije zvaničnog isteka roka.

Vanjska strana koverta mora sadržavati naziv poziva za predaju prijedloga projekata, puno ime i adresu aplikanta, puni naziv projekta i navod **“Ne otvarati prije zvaničnog otvaranja”**.

O primljenoj pošiljci u Općini će se voditi uredna evidencija i izdavati potvrde o prijemu.

Svi aplikanti koji su predali prijedloge projekata, koji su prihvaćeni ili odbijeni, će biti obavješteni u pisanoj formi o odluci u vezi sa njihovim prijedlogom projekta u roku od 30 dana od dana zatvaranja javnog poziva. Rezultati će biti objavljeni na: [www.ba.undp.org](http://www.ba.undp.org), te na web stranici Općine Tešanj ([www.opcina-tesanj.ba](http://www.opcina-tesanj.ba)), kao i na oglasnoj ploči Općine. Organizacije čiji projekti budu odobreni će biti dužne da ih prevedu na engleski jezik i dostave donatoru prije potpisivanja ugovora.

Broj: 03-49-2-444-3/19  
Datum: 18.04.2019

 **OPĆINSKI NAČELNIK**  
Mr. Sci. Suad Huskić